


→ PERPADUAN



Gandesan (tengah) ketika majlis pelancaran Kem Silang Budaya Kelab Rukun Negara, baru-baru ini.

1
Info
Kem Silang Budaya



Modul Silang Budaya.

→ Penekanan elemen kenegaraan, sivik dan moral juga diberi perhatian khusus.
→ Aktiviti santai dan menyeronokkan kepada pelajar.

→ Konsep 3B iaitu bermain, berkongsi dan bertoleransi,
→ Menghayati kaitan lima prinsip rukun negara dengan aktiviti yang dijalankan.

Modul Silang Budaya perkasa hubungan kaum generasi muda

➡ Konsep 3B dedahkan pelajar dengan keperluan rakan kaum lain

■ Kuala Lumpur

Jabatan Perpaduan Negara dan Integrasi Nasional (JPNIN), Jabatan Perdana Menteri menjayakan Kem Silang Budaya Kelab Rukun Negara baru-baru ini, dalam kalangan 200 pelajar Tingkatan Satu bersama lebih 30 Guru Penyelaras Kelab Rukun Negara dari 22 buah sekolah di Selangor, Kuala Lumpur, Negeri Sembilan, Perak dan Putrajaya.

Ketua Pengarah JPNIN, Datuk Gandesan Letchumanan, berkata pelaksanaan Kem Silang Budaya ini adalah julung kali diadakan dengan menggunakan Modul Silang Budaya yang dilancarkan Menteri di Jabatan Perdana Menteri, Tan Sri Datuk Seri Panglima Joseph Kurup, pada 5 Ogos 2016 di Kem Bumi Jati, Shah Alam, Selangor.

Gandesan berkata, selaku agensi peneraju dalam bidang perpaduan dan integrasi nasional, semestinya Modul Silang Budaya ini amat penting sebagai mekanisme untuk memperkasakan hubungan kaum di kalangan rakyat negara ini terutama generasi muda.

Justeru itu, beliau menegaskan kefahaman dan pengetahuan mengenai amalan budaya, agama, bahasa dan cara hidup masyarakat berbilang kaum perlu dipertingkatkan demi negara tercinta ini.

Tekankan elemen sivik

Penekanan elemen silang budaya dalam modul ini bukan semata-mata pemahaman mengenai budaya dan adat resam sahaja, tetapi elemen kenegaraan, sivik dan moral juga diberi perhatian khusus.

Semua elemen ini digarap dalam bentuk aktiviti bagi menjadikan pembelajaran mengenai silang budaya lebih santai dan menyeronokkan, terutama kepada pelajar sekolah.

Dengan berkonsepkan 3B, iaitu bermain, berkongsi dan bertoleransi, pendidikan silang budaya ini akan mendedahkan pelajar untuk lebih sensitif dengan keperluan rakan kaum lain di samping lebih mengenali dan memahami budaya



Kita dapat melihat keceriaan dan pergaulan yang lebih mesra di kalangan pelajar berbilang kaum selepas mengikuti kem ini. Inil antara matlamat dan objektif modul untuk merapatkan hubungan antara kaum"

Gandesan Letchumanan
Ketua Pengarah JPNIN

ya dan nilai murni kaum lain.

Menghayati Prinsip Rukun Negara

Selain itu, peneguhan prinsip Rukun Negara dalam setiap aktiviti modul ini juga dititikberatkan agar pelajar lebih menghayati kaitan lima prinsip Rukun Negara dengan aktiviti yang dijalankan.

Secara tidak langsung, pelajar dapat memahami keperluan mengamalkan prinsip Rukun Negara dalam kehidupan mereka.

"Kejayaan menghasilkan Modul Silang Budaya ini turut dikongsi bersama Universiti Putra Malaysia (UPM) selaku pihak yang bersama-sama Jabatan menggubal modul ini sejak 2014.

"Di samping itu, kerjasama strategik dan bersepadu dengan Kementerian Pendidikan Malaysia (KPM) dalam merealisasikan kandungan modul ini dalam kalangan pelajar sekolah juga amat penting", katanya.

Menurut Gandesan, kajian keberkesanannya turut dijalankan bagi menilai sejauh mana kandungan modul ini benar-benar dapat merapatkan hubungan pelajar pelbagai kaum semasa dalam kem yang telah dijalankan pada 1 hingga 5 Ogos 2016 yang lalu.

Tinjauan dan penilaian awal

yang diperoleh dari kalangan guru dan peserta kem menyatakan aktiviti dijalankan amat menarik dan memberi banyak pengetahuan tentang adat resam, budaya, agama dan amalan hidup kaum lain.

"Kita dapat melihat keceriaan dan pergaulan yang lebih mesra di kalangan pelajar berbilang kaum selepas mengikuti kem ini."

"Inilah antara matlamat dan objektif modul ini untuk merapatkan hubungan antara kaum, terutama di peringkat usia muda untuk memahami perbezaan yang wujud antara mereka."

"Secara langsung pemahaman ini akan meningkatkan penerimaan atas kepelbagaiannya antara kaum," katanya.

Sehubungan itu, JPNIN akan meruskan kerjasama erat dengan UPM bagi memberi latihan kepada pegawai JPNIN dan Guru Penyelaras Kelab Rukun Negara yang berjumlah 6068 Kelab Rukun Negara di seluruh negara.

Oleh itu, strategi laut biru antara UPM dan KPM akan diperkuatkan bagi mencapai hasrat dan matlamat Perdana Menteri, Datuk Seri Najib Razak untuk terus mencari kaedah dan formula bagi memperkuat dan memperkasa lagi hubungan antara kaum di negara ini.